

Das zehend Capitel.

Wie man vß einem Schiff / so still am Ancker
ligt / die wyte zu einem Thurn
messen sol.

Wist du vß einem Schiff / so still am Ancker ligt (als hie in
der Figur des achten Capitelis ist vßgerissen) vnnd du wol-
tist gern erfahren / wie wyte du von dem Thurn bist. So
stynge vß den Mastbaum / vnnd mach das Instrument an den ste-
cken / wie du gelehrt bist / vnd ruck die Standregel mit dem Buch-
staben b. gegen dem Port des Schiffs da du den anderen stand
nemmen kanst / vnd ruck die Regel mit dem d. gegen dem Thurn /
vnnd merck die zal vß dem Winckelhacken e. Exempel du findist
85. Puncten. Misse als dann von dem Instrument zu dem an-
deren stand / den du dir erwellet hast / so findst du 100. Schuch.
So dann nim das Instrument hinweg / vnnd laß ein gemerck
stahn / gang zu dem anderen stand / vnnd mach das Instrument
an den Stecken / wie du oben auch gethan hast / vnnd ruck die
Standregel mit dem Buchstaben c. gegen dem anderen gemerck
oder stand / mach das Instrument vest. Wyter hast du von ei-
nem stand zu dem anderen gemessen vnnd funden 100. Schuch /
so nim die Regel mit dem Absehen / vnnd leg sy zwüschend
die Buchstaben a. b. vß den 100. Puncten / vnnd ruck
sy hinuß / als dann sich wie vil die Regel d. ab-
schnydt / so findst du 264. Puncten. So bist
du nun von dem Thurn 264. schuch
vnd von dem anderen stand ist
dahin 212. Schuch.



Das